




Área / Unidade XESTIÓN DE DEPORTES DJ1000 LGS	Documento 21112105GI	Anotada en el Libro de Resoluciones de la Alcaldía con el núm: DEC/AYT/6809/2018 03/12/2018
Código de verificación  5S07 3K3Q 1200 4U48 0KU5	Expediente 211/2018/653	
	Data 03-12-2018	

ASUNTO: APROBACIÓN DAS BASES DA CONVOCATORIA DOS CURSOS DE INICIACIÓN AO GOLF A IMPARTIR DURANTE O ANO 2019

DECRETO

Visto o informe proposta que consta no expediente de referencia, e sobre a competencia que me confire a legalidade vixente

RESOLVIN:

Único. Aprobar as bases reguladoras da convocatoria dos cursos de iniciación ao golf a impartir durante o ano 2019; as cales se achegan como anexo ao presente decreto.

A Coruña, Na data da sinatura deste documento.

O alcalde p.d. (D.28.06.17, BOP 13.07.17)
O concelleiro delegado de Cultura, Deporte e
Coñecemento



ANEXO

BASES REGULADORAS DOS CURSOS DE INICIACIÓN AO GOLF A IMPARTIR DURANTE O ANO 2019

I. OBXECTO

Constitúe o obxecto destas bases a matrícula nos cursos de iniciación ao golf a impartir no **Campo Municipal de Golf Torre de Hércules** durante o ano 2019 nas seguintes quendas:

1. Primeiro trimestre: xaneiro, febreiro, e marzo do 2019
2. Segundo trimestre: abril, maio e xuño do 2019
3. Cursos de verán: xullo e agosto do 2019
4. Cuarto trimestre: outubro, novembro e decembro do 2019

II. INFORMACIÓN DE CURSOS, PRAZOS PREVISTOS DE PREINSCRICIÓNS E MATRÍCULAS PARA CADA QUENDA

As presentes bases, ás que se incorpora como Anexo I a información correspondente aos cursos do primeiro trimestre, así como calquera outra incidencia como vacacións, suspensión de clases, etc., publicaranse na páxina *web* municipal www.coruna.gal/deportes e nos taboleiros de anuncios do propio campo municipal de golf e das instalacións municipais da Cidade Deportiva da Torre, Polideportivo do Barrio das Flores e Palacio dos Deportes de Riazor e no teléfono de información cidadá 010.

En canto aos restantes trimestres, toda a información correspondente a cursos, grupos e prazos relativos ás sucesivas fases do procedemento, serán obxecto da mesma publicidade, coa autorización da Xefatura de Servizo de Deportes, como complementos desta convocatoria e co tempo suficiente para o seu desenvolvemento.

III. SOLICITUDES DE MATRÍCULA

1. Lugar de presentación das solicitudes: A través da *web* da Concellaría de Deportes (www.coruna.gal/deportes) ou nas oficinas do Campo Municipal de Golf Torre de Hércules e serán tramitadas en liña.
2. Idade das persoas solicitantes: A idade mínima para participar nos cursos é de 6 anos. Deberá terse cumprida -ou cumprirse- a idade requirida durante o desenvolvemento do curso (infantil: de 6 a 16 anos; adultos: de 17 anos en diante).
3. Número de cursos por persoa: Cada persoa poderá solicitar un máximo de dous cursos, pero só se poderá matricular nun único curso.
4. A presentación da solicitude implica declarar que son certos os datos achegados. No caso que o Servizo Municipal de Deportes detecte falsidade nos mesmos, o alumnado afectado causará baixa no curso, sen dereito á devolución das taxas aboadas.



5. **Criterios de selección dos solicitantes:** Terán preferencia, en primeiro lugar, as persoas empadroadas no Concello da Coruña e, en segundo lugar, quen non realizase ningún curso de iniciación ao golf no Campo Municipal de Golf Torre de Hércules. Naqueles cursos nos que a demanda sexa maior que a oferta, procederase a asignar as prazas a partir da letra do primeiro apelido, conforme ao sorteo público. A estes efectos aclárase que as preposicións -e calquera partícula en xeral- que acompañen a un apelido non forman parte do mesmo.

IV. FORMALIZACIÓN DA MATRÍCULA

1. A matrícula formalizarase no Campo Municipal de Golf Torre de Hércules mediante o pago das tarifas correspondentes segundo a Ordenanza Fiscal vixente. Para constituírse un grupo será necesario un mínimo de 6 persoas inscritas; en caso contrario facilitaranse outros horarios ás persoas solicitantes.
2. **Documentación que debe acompañarse para a matrícula:** No momento de formalizar a matrícula deberá presentarse: fotocopia do DNI (desde os 14 anos); para menores de idade ou persoas suxeitas a tutela, aínda que dispoñan de DNI propio, tamén deberá presentarse Libro de Familia e DNI de pai/nai ou titor/titora legal. No caso de persoas suxeitas a tutela deberá achegarse tamén o documento legal que a acredite.
3. A persoa que se matricule ou, no seu caso, quen teña a súa representación legal, fará constar que non padece ningunha enfermidade que lle incapacite para a práctica da actividade deportiva. No suposto de padecer algún tipo de discapacidade ou existir calquera outra cuestión relevante que poida incidir na práctica deportiva, deberá achegarse informe clínico dirixido ao Servizo Municipal de Deportes.
4. Serán de aplicación as normas de uso das “Instalacións Deportivas Municipais, Escolas Deportivas Municipais e outras actividades” aprobadas pola Xunta do Goberno Local do 20 de xullo de 2007.
5. O Servizo Municipal de Deportes resérvase a facultade de interpretar e valorar as circunstancias concorrentes en cada caso.

V. PROTECCIÓN DE DATOS

De conformidade co establecido no artigo 5 da Lei Orgánica 15/1999, os datos de carácter persoal declarados pasarán a formar parte dos ficheiros denominados:

- **INSTALACIÓNS DEPORTIVAS**, de cuxo tratamento será responsable o Concello da Coruña e cuxas finalidades e usos previstos serán os seguintes: xestión centralizada das instalacións deportivas municipais, das actividades impartidas nas mesmas e do uso de instalacións. Os dereitos de acceso, rectificación, cancelación e oposición aos datos persoais rexistrados neste ficheiro poderanse exercer ante o Rexistro Xeral do Concello da Coruña (Praza de María Pita, 1) nos termos establecidos nos artigos 15, 16 e 17 da devandita Lei Orgánica.



- CAMPO DE GOLF TORRE DE HÉRCULES, do que será responsable do tratamento ORTO PARQUE E XARDÍNS, S.L. e SIDECU, S.L. U.T.E., cuxas finalidades e usos previstos serán os seguintes: xestión centralizada das instalacións do campo de golf Torre de Hércules, das actividades impartidas nas mesmas e do uso das súas instalacións. Os dereitos de acceso, rectificación, cancelación e oposición aos datos persoais rexistrados neste ficheiro poderanse exercer ante a Dirección do campo de golf Torre de Hércules nos termos establecidos nos artigos 15, 16 e 17 da devandita Lei Orgánica.

Coa sinatura da solicitude autorízase a tomar imaxes das actividades que se realicen, sempre que se utilicen para a promoción e difusión das mesmas, así como á utilización do móbil e correo electrónico como forma de aviso e comunicación por parte do Servizo Municipal de Deportes.

ANEXO I ÁS BASES REGULADORAS DOS CURSOS DE INICIACIÓN AO GOLF A IMPARTIR DURANTE O ANO 2019 .CURSOS DE INICIACIÓN AO GOLF 1º TRIMESTRE (XANEIRO-FEBREIRO-MARZO) DE 2019

- **Presentación das solicitudes:** as solicitudes para participar nos cursos poderán presentarse do 5 ao 13 de decembro de 2018, ambos os dous inclusive; o prazo remata ás 14:00 h do día 13.
- **Listaxe provisional de solicitantes:** publicarase a partir do día 14 de decembro de 2018 na páxina *web* municipal www.coruna.gal/deportes e nos taboleiros de anuncios do propio campo municipal de golf e das instalacións municipais da Cidade Deportiva da Torre, Polideportivo do Barrio das Flores e Palacio dos Deportes de Riazor e no teléfono de información cidadá 010.
- **Emenda de erros:** abrirase un prazo de corrección a partir da data de publicación das listaxes provisionais para que se poidan formular alegacións no prazo de 5 días naturais. As mesmas presentaranse no Campo Municipal de Golf Torre de Hércules.
- **Sorteo público:** terá lugar o 20 de decembro de 2018, ás 09:00h, nas oficinas do Palacio Municipal de Deportes de Riazor.
- **Listaxes definitivas:** publicarase a partir do 21 de decembro de 2018.
- **Matricula:** No Campo Municipal de Golf Torre de Hércules do 26 ao 30 de decembro de 2018.

Infantil: de 6 a 16 anos. Adultos: de 17 anos en diante.



GRUPO	NIVEL	DÍAS	HORARIO	PRAZAS
ADULTOS	INICIACIÓN	LUNS E XOVES	09:30 a 10:30	8
ADULTOS	INICIACIÓN	LUNS E XOVES	10:30 a 11:30	8
ADULTOS	INICIACIÓN	LUNS E XOVES	12:30 a 13:30	8
ADULTOS	INICIACIÓN	LUNS E XOVES	19:30 a 20:30	8
ADULTOS	INICIACIÓN	LUNS E XOVES	20:30 a 21:30	8
ADULTOS	INICIACIÓN	MARTES E VENRES	09:30 a 10:30	8
ADULTOS	INICIACIÓN	MARTES E VENRES	10:30 a 11:30	8
ADULTOS	INICIACIÓN	MARTES E VENRES	12:30 a 13:30	8
ADULTOS	INICIACIÓN	MARTES E VENRES	19:30 a 20:30	8
ADULTOS	INICIACIÓN	MARTES E VENRES	20:30 a 21:30	8
ADULTOS	INICIACIÓN	SÁBADO E DOMINGO	09:30 a 10:30	8
ADULTOS	INICIACIÓN	SÁBADO E DOMINGO	10:30 a 11:30	8
INFANTIL	INICIACIÓN	LUNS E XOVES	18:00 a 19:00	8
INFANTIL	INICIACIÓN	MARTES E VENRES	18:00 a 19:00	8
INFANTIL	INICIACIÓN	SÁBADO E DOMINGO	11:30 a 12:30	8
INFANTIL	INICIACIÓN	SÁBADO E DOMINGO	12:30 a 13:30	8